

Haet Nanzlumz Ndeu

一个难忘的早晨

Haemh singhiz haj, daxmeh haemq gou: “Mwngz haetkog bae riengz gou baijdan roxnaeuz gag youq ranz ninz?” Gou ndaejnyi couh miz le cingsaenz: “Gou caeuq mwngz bae baijdan!”

Haet daihngeih seiq diemj lai, mbwn ngamqngamq rongh, gou lij ninzndaek, daxmeh couh daeuj heuh gou hwnq. Gou bietlied hwnqcong, yienzhaeuh catheuj swiqnaj liux le, couh caeuq daxmeh caemh bae daengz bakdou hagdangz baijdan. Yawjraen daxmeh daeuj lo, haujlai go cej homh hwnjdaej baizdoi, daxmeh yaep da couh nyaengq-lulu.

Lwnz daengz dah cej ndeu, de diemj le vanj mienh ndeu, yienz-haeuh hawj aen liengj ndeu caeuq


daeh makbingzgoj ndeu hawj daxmeh. Yienzlaiz, haetlwenz fwn-doek, liengj de vaih lo, dwg daxmeh ciq aen liengj dog ndanggaeuq hawj de. Yawjraen de yienh makbingzgoj daeuj, daxmeh doiswz naeuz: “Mwngz boiz liengj hawj gou couh ndaej lo, mbouj yungh mbaiq lai!” Dahcej hoiz naeuz: “Nax, ngoenzlwenz gyo mwngz ciq liengj hawj gou yungh, mboujnex gou couh dwgliengz lo. Gij neix dwg sim’ ei q gou, mwngz sou ba!” Gangj liux, de couh buet haeuj hagdangz bae. Gou hai daeh makbingzgoj, fatyienh baihdaw lij miz mbaw sa ndeu, baihgwnz sij: Gyo-mbaiq nax ngoenzlwenz ciq liengj hawj gou, hoh mwngz seng’ ei q fat fat fat fat fat! Gou yawj le, sim’ angq riu lo, gou roxnyinh miznaj dangqmaz,

aenvih gou miz boux meh gaenxguh, simndei baenzneix.

Ginggvaq haet neix, gou mingz-beg le daxmeh guh seng’ ei q iq geijlai sinhoj, daxmeh ra cienz geijlai mbouj yungzheih. Gou yaek ndeindei doegsaw, baenaj majhung, gou itdingh ndeindei hauqswnh daxmeh, lumj gofaex hung seizseiz bang daxmeh dangj rumz dangj fwn. Yienznaeuz gou dwg lwgsai, mbouj rox guhlumj buhdungh nei raeuj ndang meh, hoeng gou ndaej guh aen daengngoeng iq ndeu raeuj de.

Gou lumz mbouj ndaej aen haetromh nyaengqfoedfoed hoeng raeujrubrub neix, gou maij daxmeh gaenxguh, simndei, simgvangq gou.

(Cinz Ginjgiz/raiz
Lij Yanghlenz/hoiz)



Sam bi gonq, gou cungj roxnyinh daxboh gig mbouj maij gou.

Aenvih de mbouj lumj daxboh ranz vunz yienghhaenx, caeuq lwgnyez guhcaemz guh’ angq. Daxboh gou coengzlaiz mbouj daiq gou bae gunghyenz guhcaemz, bae yawj denyngi gvaq, hix coengzlaiz mbouj caeuq gou dwk saek baez geiz gvaq, engq mbouj gangj youq mwh yaek ninz gangj goj hawj gou dingq lo.

Geiq ndaej miz baez ndeu, cuengqhag dauqma, gou cuengqroengz daehsaw le, siengj yawj densi yietnaiq yaep ndeu, hoeng gou ngamq naengh roengzdaej, gij sing lumj saeceij maenj haenx couh daj ndaw rugsaw daxboh cienz okdaej, coeg haeuj rwz gou: “Guh cozyez gonq! Guh saehcingz mbouj rox baen gonqlaeng naek-mbaeu ha?” Gou lau dwk ndang yaek unq liux, song ga cix saenzdedded, fwngz baez saenz, aen yauzunggi doek roengz gwnz dieg bae, ca di soi q lo. Gou hoizsaenz gvaqdaej le, cij rag daehsaw coh haeuj ndaw rug bae. Gou daj gehdou yawj ndaw rug daxboh bae, yawjraen daxboh naengh youq henz daizsaw, najbyak nyaeuqnyaeuq, fwngz sij saw mbouj dingz, gou naemj de daihgaiq youh dwg bang hagseng de gaij lunvwnz ba. Seizneix, daxboh

Gij Gyaiez Daxboh

父亲的爱

nyeux gyaiej dauq, daj gehdou yawjraen gou lij ngaiengded, hat naeuz: “Lij mbouj vaiq di!” Gou lienzmuengz buet haeuj rug bae, lau youh deng ndaq. Ai, caen dwg boux vunzyak ha, ndaw sim gou ieng daxboh dangqmaz.

Hoeng, siengj mbouj daengz, daxboh yakrwix gou hix miz mwh unqswnh. 10 nyied 8 hauh ngoenz haenx, dwg ngoenzseng gou, ngamq dwg bungz ngoenz couhmoz, gou naemj, baezneix daxboh wnggai miz hoengq caeuq daxmeh caez buenx gou bae yawj ciengz denyngi ndeu hoh ngoenzseng gou. Gou sim’ angq dwk haet romhri couh hwnqcong, hoeng, cix mbouj raen daxboh youq ndaw ranz. Cam daxmeh, cij rox de ngoenz-

neix youh bae camgya aen hoih dapbuek yenzgiuswng h bizyez lo. Gou yienznaeuz miz di nyapsaeb mbouj angq, hoeng yaep ndeu hix couh siuheiq, suenq lo, hozbiet caeuq boux “dawzgiengz hung” ndaw ranz neix suenq gaen suenq liengx, fanjcingq de hix mbouj maij gou. Gyanghaemh, gou lumj baeznaengz ityiengh, caeuxcaeux couh bae ninz lo, hoeng ninz youq gwnz cong, mbouj rox vihmaz cungj ninz mbouj ndaek. Sawqmwh, aen dourug gou hai lo, daxboh byaij haeujdaej, soh naengh youq henz ndang gou, gou daegdaengq cienq gvaq gyaiej bae, mbouj siengj hawj de yawjraen naj gou. Daxboh sing unqswnh naeuz: “Lwg ha, daxboh siengj caeuq mwngz gangj, daxboh doiq

mbouj hwnj mwngz, ngoenzneix dwg ngoenzseng mwngz, daxboh cix mbouj ndaejvangq buenx mwngz……” Dingq daengz gij vah daxboh, gou caen miz di moenghmangh lo. Gou ndaejgeiq, daxboh coengzlaiz mbouj riu coh gou gvaq, baezneix baenzlawz caeuq daeglwg de gangjah baenzneix unqswnh ne? Seizneix, ndaw sim gou roxnyinh soemj van haemz manh, gij raemxda utheiq haenx nyaenx mbouj ndaej lae’ byoegbyoeg, aen swiz gou deng mbaeq liux. Gou caegcaeg yawj daxboh, yawjraen ndaw lwgda daxboh hix miz raemxda myigmyagmyag. Seizneix, gou dauqdaej rox lo, gizsaed, youq ndaw sim daxboh soqlaiz cungj miz gou.

Gizsaed, daxboh seizseiz cungj gyaiez dou. De mbouj lumj daxmeh yienghhaenx gij gyaiez cigsoh youh ndatfwd, de lumj cenj gahfeih gya dangz ndeu, cijmiz youq mwh yunghsim menhmenh cimz, mwngz cij gamjsouh daengz gij feih van yo youq ndaw cingzeiq laegna haenx, hawj vunz hoizfeih nanzlumz.

(Yangz Swhyenz/raiz
Veiz Yennaz/hoiz)

Mbawloenq Nem Baenz Fukveh 落叶贴画



Daxmeh caeuq gou cungj gig gyaiez gip mbawfaex loenq. Dou mwh bae binbya gip, mwh bae youz gip; ngoenzrengx gip, ngoenz fwndoeck hix gip.

Gij mbaw dou gip dauq haenx dou uet seuq, geb haeuj ndaw bonjsaw, mbawde couh bienq bingzlili lo.

Hoeng, baenzlai mbawfaex gyaunde, yaek baenzlawz ndaej yo roengzdaej ne? Dou siengj ok aen banhlap ndeu—Aeu gyoengqde nem baenz fukveh!

Vaiq yawj! Mbaw doz dou aeu mbawloenq nem baenz haenx, ndei mbouj ndei yawj? Ngiengxgyaeuj yawj gij veh neix, dou couh siengj hwnj gij saeh mwh dou gip mbawfaex, dauqngex haujlai saeh mizyinx okdou baeyouz haenx.

(Vuz Siuhyenj/raiz)